

MAGNANIMITAS AUGUSTA,
QVAM
SERENISSIMI PRINCIPIS AC DOMINI,
DOMINI
WILHELMI
ERNESTI,

DUCIS SAXONIÆ, IULIACI, CLIVIÆ AC MONTIUM,
ANGARIÆ ITEM ET VVESTPHALIÆ,
LANDGRAVII THURINGIÆ, MARCHIONIS MISNIÆ,
PRINCIPIS HENNEBERGÆ,
COMITIS MARCÆ ET RAVENSBERGÆ,
DYNASTÆ RAVENSTEINI,
PATRIS PATRIÆ VERE AUGUSTI,
NATALI EXOPTATISSIMO

ANNO M DCC XVI.
FELICITER ILLUCESCENTE,

IN DEDICANDA

AEDE

PLUSQVAM AUGUSTA,

SUB NOMINE

NOVI GYMNASII WILHELMO-ERNESTINI

MUSIS ET APOLLINI,

IMO

PUBLICÆ UTILITATI ET POSTERITATI

DICATA,

PROPE SALINAS SULZENSES

HUMILLIMO ANIMI CÛLTU VENERABUNDUS

PROSEQVITUR

CHRISTOPHORUS TITTELIUS.

VINARIÆ, LITTERIS MUMBACHIANIS.





At patriae civique datum, nec publica defunt
Aera, quibus dudum TIBI, PRINCEPS
OPTIME, mundum


Fecisti nomen: non ortus promere sacros,
Nec vacat enfiferos majorum pingere vultus;

Sufficis Ipse TIBI, propriisque superba prioris
Aetatis superas meritis monumenta, nec arctis
Pagellis poterunt illustria facta notari,
Queis orbem TIBI devincis, vel digna Minervae
Peplo, dum publicam fulcis rem robore mentis
Eximio, patriaeque tuas molimine celfo
Impendis curas; Seu juri ferre labanti
Dignas suppetias, moremque imponere paci,
Quae duraturos Themidi despondeat annos,
Seu decet ex tabulis penetrabilia pandere, totam
Gentem quae doceant, quo spes & vota futuri
Subvehier possint secli, si laesa latenter
Iura DOMUS, justo defendi pondere debent;
Seu juvat auxilio pressos miserosque favore
Solari, sedesque novis partire colonis;
Seu quoque structa placent prae rudere marmora, fausta,
Queis caput extollit, Vinaria, seque sorores
Inter noscendam sublimi sistit amictu.
Sunt haec, sunt aliis pleno dicenda cothurno,
Exili saltim calamo mihi splendida fata

Parnassi fas sit venerari, & paupere vena
Divitias, queis castra micant Phoebéa, referre.
Vix tua, quam lenès essent, gustárat habenas
Plebs, quibus imperium, PRINCEPS, moderaris avitum,
Cum simul in Musas ardor laticesque refulsit
Castalios propensus amor, cum cura tuendi
Vicini subiit Pindi, qui membra senecta
Quassabat marcens, ast TE TUTORE lacertos
Movit, & in priscum visus succrescere robur,
Intacto tenus hac revirescit flore juventae.
Proximus inde TIBI, cura propiore Penates
Indigitesque foves, patriis dum providus amplam
Sponte stipem Musis confers, & pascis egentes
Regali clemens sumtu, dapibusque ministras
Gratuitis largus cultum, pius artis alumnus
Aetheriae quo possit ali. Nec ponere fines
Nescia mens metae novit divina, subinde
Laetior assurgens Helicon sua sidera spargit
Latius, inque dies majori luce coruscet.
Edita doctrina sapientum templa, nitore,
Quocum Graja queat, quocum Romana vetustas
Conferri, in media scintillant Principis aula.
Haec tot thesauros & tot cimelia thecis
Afferuere suis, quot conquesta per omnem,
Qua patet, Europam sacrata volumina conduunt.
His adytis suscepta cohors ter trina fororum
Vota supergreditur, dulcique ferocula fastu
Adversae occultos fortunae despicit astus.
Ipse pater, tanto stupet impos mentis honore,
Seque Palatinum rursus miratur, Apollo.
Quid juvet eductas trivio memorare Camoenas,
Majorique datum decus immortale Palaestrae,
Quod pia MUNIFICI conamina PRINCIPIS ipso
Nomine testatur? Sunt proximiora, nec unquam
Sat dignis celebranda modis, documenta recentis,
Collibus Aonidum quem continuavit, amoris,

Aemulus Augusti, patriae PATER. Ardua moles
Stat templi complexa forum, cultuque decora
Longaevo, sua sacra suumque Deabus Olympum
Pieris reddit. Coelis ergone peractum
Fluxit opus? Creffis an conformata figuris
Daedaleas lassare manus fastigia? Talem
An te, Phoebe, throni renovato culmine fistis,
Qualem Roma vicens, festivaque Graecia vidit,
Conspicuum auratis mensis, folioque locatum
Coelesti, jubar aeternum dispergere terris?
Nunc age fama prior, notum per secula nomen,
Prodiga miretur Phrygiae tabulata Dianae,
Mundus servandis quibus haud suffecit Eous;
Nostra nec imber edax, nec vis foecunda furoris
Diri, nec series venturi diruet aevi.
Adde, quod illa leves nugas amplexa, profanos
Ignes, suppositos cineri celare dolofo,
Densisque ignaros dementavere tenebris;
Haec, solidis liquidae doctrinae innixa columnis,
Pubemque erudiunt teneram, cupidisque sciendi
Campos discendi fatagunt aperire patentes,
Dum placidam spirant flammam, Vestaque perenni
Palladium cingunt, turbae fatale novenae,
Quod nec Tydides scelerumque inventor Ulysses
Vi vel fraude queant sacrato avellere templo.
Felicem, nimis ô felicem, munere tanto
Tellurem patriam! redeunt Saturnia regna,
Aureaque increscit dum ferrea desinit aetas.
Ilme fave, Pater Ilme! TUUS jam regnat APOLLO.
Regnet perpetuum! devota mente precamur,
Regnet ter, felix! & quae sibi templa dicavit,
Ipse colat, ferusque suo dare thura nepotes
Natali cernat laetos! totiesque renatas
Se memorent Musae, quoties gratanter adorant
Pronae MAGNANIMI nascentes PRINCIPIS annos.

MAGNANIMITAS AUGUSTA,
QVAM
 SERENISSIMI PRINCIPIS AC DOMINI,
 DOMINI
**WILHELMI
 ERNESTI,**



ONIAE, IULIACI, CLIVIAE AC MONTIUM,
 GARIÆ ITEM ET VVESTPHALIAE,
 VII THURINGIAE, MARCHIONIS MISNIAE,
 PRINCIPIS HENNEBERGIAE,
 ITIS MARCIAE ET RAVENSBERGIAE,
 DYNASTIAE RAVENSTEINII,
PATRIAE VERE AUGUSTI,
 NATALI EXOPTATISSIMO

ANNO M DCC XVI.
 FELICITER ILLUCESCENTE,
IN DEDICANDA
 AEDE
 PLUSQVAM AUGUSTA,
 SUB NOMINE
 MNASII WILHELMO-ERNESTINI
 MUSIS ET APOLLINI,
IMO
 PUBLICAE UTILITATI ET POSTERITATI
 DICATA,
 PROPE SALINAS SULZENSES
 IMMILLIMO ANIMI CULTU VENERABUNDUS
 PROSEQUITUR
 CHRISTOPHORUS TITTELIUS.

NARIAE, LITTERIS MUMBA CHIANIS.

